

大藏聖教法寶標目卷第七

岱七

元清源居士王古撰

力

四未曾有法經

右說轉輪王阿難各有四未曾有法二經
出增一阿含經第二十六卷八難品異譯
舍利弗摩訶目犍連遊四衢經

右鳩崛髻殺人以指爲鬘佛化令入道二
經同本異譯出增一阿含經第三十一卷

力品

力士移山經

右佛將涅槃爲五百力士移山因說此經
校量種種諸力不及佛神足智慧十種之

七佛父母姓字經

右說七佛父母國土姓字弟子名氏說法

出增一阿含經第四十五卷不善品異譯

放牛經

右說比丘修行如人牧牛出增一阿含經
第四十六卷放牛品異譯

緣起經

右說十二緣差別名義略法出增一阿含

經第四十六卷放牛品異譯

十一想思念如來經

右說修行念佛十一法及修慈心十一果

報出增一阿含經第四十八卷禮三寶品

初異譯
四泥犁經

右說調達等墮大地獄種種苦報事出增
一阿含經第四十八卷禮三寶品異譯

阿那邠邸化七子經

右說長者化七子受三歸五戒福德勝大
出增一阿含經第四十九卷非常品異譯
大愛道般泥洹經

佛母般泥洹經

右說佛乳母證果入泥洹二經同本異譯

出增一阿含經第五十卷大愛道般涅槃

品

國王不犁先尼十夢經

舍衛國王夢見十事經

右二經國王夢十事王大憂怖問佛爲說

此經二經同本異譯出增一阿含經第五
十一卷大愛道般涅槃品

阿難同學經

右阿難同學比丘不樂修梵行佛爲說法

教戒證阿羅漢從戒德香經下二十四經

並增一阿含經中別經異譯

五蘊皆空經

右說佛爲五苾芻說五蘊無我我所悟空
證果出雜阿含經第二卷異譯

七處三觀經

右二經雜集世尊卷七所說種種經法出雜阿
含經異譯

聖法印經

右說空無我法出雜阿含經第三卷異譯

雜阿含經

右出雜阿含經中異譯

五陰譬喻經

水沫所漂經

右說五陰空色如聚沫受如泡想如野馬
行如芭蕉識如幻二經本同譯別出雜阿

含經第十卷

不自守意經

右說六根自守不自守出雜阿含經第十

一卷異譯

滿願子經

三轉法輪經

卷異譯

右說三轉四諦合十二事等法二經本同

譯別出阿含經第十五卷

正道經

右說八正道法出雜阿含經第二十卷異

譯

難提釋經

右說賢者聞法證道出雜阿含經第十三

右說比丘五行六念等法出雜阿舍經第

三十卷

馬有三相經

馬有八態譬人經

右說馬有善惡相如人有善惡行二經並

出雜阿舍經第三十三卷異譯卷七

相應相可經

右說善惡人以類相從出前單卷雜阿舍

經中異譯

治禪病秘要經

右一經初首題云尊者舍利弗所問事佛
說種種禪觀病惱障礙出說一切有部毗奈耶雜事第三十

同本九卷從五縕皆空經下一十六經並出雜

阿舍中別經異譯

摩鄧女經思

摩鄧女解形中六事經

摩登伽經三卷

舍頭諫經

右四經本同譯別前二經但是後經一品

說摩鄧女暴阿難欲以爲夫佛爲說法受

度及說其本因地有二十八宿等占候災

諧和有衰耗不偶者報護不同佛爲說此

禍種種法

經

鬼問目連經

雜藏經

餓鬼報應經

卷七

右三經說餓鬼罪苦本因種種因果事

阿難問事佛吉凶經

慢法經

阿難分別經

右三經本同譯別阿難問佛事佛有富貴

五母子經

沙彌羅經

右說羅漢見宿命爲五母作子五母恩子

皆涕泣悲惱欲自殺羅漢見已故笑說此
經

王耶女經

玉耶經

阿迦達經

右三經同本異譯說玉耶女嫁給孤獨長者子而嬌慢無復婦禮長者請佛爲說法教戒爲婦之道

修行本起經二卷

太子瑞應本起經二卷 言

過去現在因果經四卷

右並說佛本修因地降生王宮出家成道

種種所示現事三經同本異譯

法海經

海有八德經

右二經同本異譯說大海深廣喻佛法難量

四十二章經

右漢明帝夢金人身長丈六項佩日輪光明赫奕飛在殿前乃詔郎中蔡愔等十八人往天竺尋訪佛法永平十年遂與摩騰同來帝甚賞接所將像駛以白馬因建寺曰白馬譯出此經是漢地經法之祖也自此釋教相繼雲興以大化初傳人未深信蘊其妙解不即多翻且撮經要以導時俗

柰女耆域因緣經

右柰女者迦葉佛時供佛一柰故九十一劫生柰華中後生耆域號醫王能愈病起死此經說二人本起因地

罪業應報教化地獄經

右信相菩薩問衆生受苦之因佛說此經

龍王兄弟經

右說目連降伏二大龍王

長者音悅經

右說長者先富後貧之本因事

禪祕要經三卷辭

右佛說不淨觀數息法四大觀亦名白骨觀亦名九次第想亦名雜想觀法所說次第境界甚詳

七女經

七

右佛說過去世波羅柰國王有七女遊塚間觀死屍各說無常法偈帝釋來讚喜問所求願七女答欲得無根無枝無葉樹無形無陰陽地於深山大呼耳不聞響天不能答往見迦葉佛聞法受記後皆作佛即

踴身空中變爲男子

八師經

右說不殺不盜不淫不妄言綺語兩舌惡口不飲酒覩老病死苦修道離苦是爲八師

越難經

右長者名越難家太豪富以慳貪故死爲乞婦作子生盲無自復至其家乞而不獲打撲幾死佛力使其自知宿命佛言富貴不布施與無財者等

所欲致患經

右呵色欲過患勸修道脫苦

阿闍世王問五逆經

右佛說阿闍世王以作逆罪命終墮地獄如拍鞠從彼命終生天中二十一劫不趣

三惡道最後成辟支佛以得無根信故在黑繩地獄如人中七日重罪即盡出薩婆多毗尼明印婆沙第一

五苦章句經

右佛言三界五道生死不絕有五苦八難

五苦者一諸天苦壽盡劫衰相現雖壽大
劫要當皆死二人道苦雖轉輪聖王不免
生老病死衆生未脫三界苦惱災變死有
萬端三曰畜生苦四曰餓鬼苦五曰地獄
苦廣如經說八難地者三塗三四邊地五
岱七長壽天六盲聾瘡瘻手足殘跛七世智辯
聰學世經典信邪倒見屠殺畋獵不信三
尊死入地獄從冥入冥無有脫時肆心放
意誹謗聖道八生在佛前佛後佛言三惡
道是一切衆生家暫得爲人爲天如作客

日少歸家日多沙門已得出家如何不能
放捨重擔謂著吾我人貪瞋癡慢尋求利
養自大輕人外似如法不制六情毀戒犯
欲如此種種皆汝重擔如栴檀香貴於闍
浮金又療人病服之即愈一切衆生莫不
願得有人賣之而無買者佛說經法留在
世間無人視者如束栴檀賣之而無買者
父母夫婦兄弟知識奴婢有五因緣一曰
怨家二曰債主三曰償債四曰本願五曰
真友給孤獨長者家有五福德因緣一曰

時節不失禮敬二曰身教長者起時內外

小大無不隨者三曰口言所作福事皆從

其教四曰一味衣食平等奴婢亦然五曰

和順上下不相違戾以是五福家中奴婢

牛馬六畜蜎飛蠕動死皆生天門內經聲

不絕不與諸惡共作因緣亦是長者本願

所致佛言三界五道罪垢苦惱非天授非

人與亦非鬼神沙門梵志所與所作罪福

如影隨形如響應聲不失毛髮此經教戒

切至明備學者宜數誦讀

堅意經

右說善惡獲報如種穀得穀等

淨飯王般涅槃經

右說王臨終見佛生淨居天及說葬送王事

進學經

右說諸比丘所當進學事

得道梯陞錫杖經

右說比丘持錫法門

貧窮老翁經

右老翁年二百歲而貧窮饑虛佛爲說其宿因

三摩竭經

右三摩竭給孤獨長者女也女嫁難國王子國人不聞佛法三摩竭毀誓外道請佛

薛沙王五願經

緒雖是佛會中衆僧使人五通已備佛令乾緒背負萬斛大盆手提百斛大杓飛空先往熟食美備故今千僧大會處主事人往往畫像供養以祈冥祐

說法佛勑弟子得神通者方得赴請於是諸大弟子等各現大神變往赴此國見佛

右說國王棄位出家見佛聞法得阿羅漢

卷七

果

瑠璃王經

右說王殺釋種生陷地獄

生經五卷

聞法受度者八萬人經中說賓頭盧以神力赴集大山隨後孕婦見驚墮胎佛勑不得入滅待彌勒下生彼國無大器熟食乾

右類集五十五經如阿含總曰生經別說人天諸趣善生善報惡生惡報業生三塗修羅道證聖果等種種因緣事相

義足經二卷

右類集一十六經總曰義足所說種種緣起善惡因果事理法義具足故

正法念經七十卷 定字至終字

右正法念處法門經七十卷皆佛說初十善業道品一至二說十業善惡因果苦樂等次生死品三至半說一切世界衆生無始

已來生死輪轉諸修行人當隨順正法思惟觀察三界諸趣次第捨漏捨不善法修行善法正住正觀地獄品五至十五說一百

三十六種地獄種種苦報事相及元造業因緣餓鬼品十六至十七說三十六種餓鬼

種種苦報壽命長短增減業行種類差別畜生品十八至二十一說五道中畜生最多有三十四億種類差別及阿修羅衆與大鬪戰甚詳觀天品二十二至六十三說諸天光明身量壽命飲食服器宮殿園林勝妙欲樂放

逸福盡墮滅隨業流轉天界因緣事相種
種甚詳天宮有壁鏡樹鏡現諸業果夜摩
天上有六佛塔有無量勝妙功德利益天
人無量又說比丘十三障礙法教戒切至
六十四若人供養說法師即爲供養現在
七十五至
世尊以聞法故憍慢者心得調伏貪著者
信布施麤穢者心調柔愚癡者得智慧迷
因果者得正信邪見者入正見殺盜淫得
遠離終得涅槃故說法恩甚爲難報一者
母二者父生身故恩不可報若令父母住

於法中名少報恩三者如來度脫生死無
上大師此恩難報若於佛法深心得不壞
信名報佛恩四者說法師供養此四種人
得無量福於未來世能得菩提六十一卷又聞
法有三十二種功德六十三卷身念處四百六十
四至四

十說內外循身觀等種種法及四部洲衆
生生死苦樂因果種種事相此經說三塗
諸天事最詳最廣天品中說夜摩天王鵝
王菩薩孔雀王菩薩說諸佛教戒天人種
種法門文義富妙

佛本行集經六十卷 宜字至基字

右說佛昔於往昔修因受記出家苦行成
道度生及諸大比丘得度因緣等事
興起行經二卷 繕

右佛與五百羅漢在阿耨大池說自宿命

因緣受報頭痛背痛擲石受謗木槍馬麥
苦行六年等十事非父作母作非王作天
作亦非沙門婆羅門作自造自受如來猶
不免償報宿緣況復愚冥未得道者偈云
因緣終不滅亦不著虛空當護三因緣莫

犯身口意欲示人宿緣不可逃避

本事經七卷

右弟子集記佛說種種法門一法品二法
品三法品大略如增一阿含經

業報差別經

右佛說一切衆生繫屬依止於業業有上
中下差別不同壽夭妍醜疾病多少威勢
大小族姓資生邪智正智六道苦樂貧富
不等因果報復及禮塔施蓋幡鈴服器飲
食香華靴履燈明等各各十種功德詞簡

事備理趣詳妙

大安般守意經二卷 甚

右說調息守意入禪法

陰持入經二卷

右說十八界三十七品等法

處處經

右說善惡因果等種種法義

罵意經

右說人當制意學道種種善惡因果事

分別善惡所起經

右說五道善惡因果報應後偈說因果詳

博及酒有三十六失

出家因緣經

右說優婆塞持犯佛戒善惡果報

阿舍正行經

右說善惡生死人當正行修道

十八泥犁經

右說地獄種種苦事

法受塵經

右說耽著塵染不得無上吉祥之道

禪行法想經

右說彈指間修諸禪法不爲愚人虛食人
施
長者懊惱三處經

右說忉利天人壽終來生舍衛城爲長者
子墮樹死死已生龍中爲金翅鳥吞取三
處父母一時啼哭一切生死因緣如幻如
客

犍陀國王經

右說事婆羅門不能免生死唯事佛可以

得道

須摩提長者經

右說長者喪子苦惱佛爲說無常法人得

受度

阿難四事經

七

十四

未生怨經

右佛說教戒令阿難傳持

右說瓶沙王子阿闍世王受調達惡友教
作惡

四願經

右說四願不可常保一謂空愛身命死則
委去二謂財產官祿三謂親屬知識四謂
不能守意正行姪於五樂

黑氏梵志經

右說梵志當墮地獄見佛得道

猘狗經

右說誹謗道師當墮惡道

分別經

右說六根塵造十惡業墮十八地獄末法
比丘多作業等

八關齋經

右說受八戒法其福不可稱量

阿鳩留經

右說小施獲大果報

孝子經

右說生育恩重唯化親聞法得道爲孝

五百弟子自說本起經

右諸阿羅漢各各自說得果本起種種因

行佛亦自說果報

大迦葉本經

右說大迦葉見佛聞法得道

四自侵經

右四謂夙夜不學老不止姪得財不施不受佛言四者出心還自苦身

羅云忍辱經

右說舍衛國有輕薄者以沙土著鷲鷺子
鉢中及擊羅云首流血夜半命終入大地
獄受大劇苦佛說其種種苦報并說忍辱
最為大力說忍功德甚詳

佛為年少比丘說正事經

右為比丘略說法要

沙曷比丘功德經

右沙曷比丘得羅漢果降伏毒龍

時非時經

右說十二月時非時法

自愛經

右說行善得果是為自愛

忠心經

右大目連以神足移石國中八歸仰佛為

說法

見正經

死變識
一名生

右見正者弟子名也向佛人死已識神無還今人皆不知宿命識神所從來佛爲種種喻說深談生死輪轉流浪變易之理

大魚事經

伏七

右喻人貪欲故墮生死如魚罹漁捕

十六

阿難七夢經

右阿難七夢憂怖問佛佛爲解脫

呵鵠阿那含經

右說佛子善行功德不欲令人知

燈指因緣經

右說燈指生而指出光明始終富貧種種因緣事

婦人遇辜經

右婦人夫子父母舅姑皆橫死種種大苦

惱因發狂見佛受度事

四天王經

右佛說六齋日天王太子使者諸天日月五星二十八宿下人間伺察善惡人修五戒六齋等獲福得度

迦葉度貧母經

右說大迦葉欲度貧老母從乞臭米汁飲之爲現神足母大敬喜以此福生忉利天說布施獲福無量事

十二品生死經

右說四果人下至三塗善惡生死有十二品

輪轉五道罪福報應經

右說五道罪福因果報應如影隨形事五無返復經

右舍衛國五人皆得道證父子耕地蛇噉殺其子父母姊妻奴皆說無常苦空法或者以爲不孝慈問佛佛說此經
佛大僧大經

右二人兄弟也其一出家證羅漢果其一

以姪殺故墮地獄弟婦守貞生天

邪祇經

古婆羅門先事外道後從佛受道復悔還戒佛爲化度證羅漢果

末羅王經

右說王國中有大石方數十里佛以足指
桃石因爲說法九億人受度

摩達國王經

右說王錄國人征討比丘得羅漢亦見錄
爲見神足王悔過見佛聞法

旃陀越國王經

右說兒在塚中三年不死佛說本緣

五恐怖世經

右說後世比丘等不修道可恐怖事

弟子死復生經

右說弟子死七日復生說更地獄受苦歸
信佛法佛爲說此經

懈怠耕者經

右說耕者見佛欲禮敬問法復念耕種未
竟須後閑時佛說此懈怠人已經九十一

劫過六佛不得受度

辯意長者子經

右長者子問佛六道善惡因果等事佛說

此經

無垢優婆夷問經

右說掃塔聖地香華供養禪定歸戒所得

果報

賢者五福德經 競

右說說法人得五福德謂長壽大富端正
名譽聰明

天請問經

右天問佛答種種法義

僧護經

右僧護舍利弗弟子也所見地獄人五十
六種佛說是等比丘往昔罪業之因受是

永樂北藏

大藏聖教法寶標目

苦報教誡嚴備佛弟子宜皆觀省

護淨經

右說一比丘墮餓鬼中坐五百歲前以不
清淨手觸僧食器以不清淨食著僧食中
不持齋者食法會食六十萬世墮餓鬼中
不得挾齋餘食歸給妻子設齋會食不得
先嘗皆作殘食不如不作

木槐子經

右說持三寶名二十萬徧生第三天滿百
萬當得向初果

無上處經

右謂三寶爲無上處

盧至長者因緣經

右盧至富而慳以高慢爲帝釋所燒見佛

證果

五王經

右諸國王各耽王樂佛爲說八苦即皆得

果

出家功德經

右說出家功德及勸障罪福

旃檀樹經

右說背恩伐樹爲樹神所殺

頗多和多耆經

右說愚人不知施度

普達王經

右王禮敬道人群臣諫王王爲說法因供

佛得果

佛滅後棺斂葬送經

右說佛葬儀及佛鉢化緣

鬼子母經

右說鬼子母食人子佛降化受戒

梵摩難國王經

右說王太子出家證阿羅漢說施當平等

父母恩難報經

右說肩負父母經千年便利背上不足報

卷七

二十

生育恩

彌多耶致經

右說外道聞佛說二十一事得道

新歲經

右說受歲說戒舉過

群牛譬喻經

右說驢効牛入牛群爲舐殺喻比丘無沙

門行微妙比丘擯出界外

九橫經

右說人有九因緣命未盡而橫死一者食

不安食二多食過度三不知時節方宜四

食未消而復食不時消吐五大小便不隨

時六犯戒犯王法或饑渴捶打驚怖憂薨

七不隨醫藥教誠八夜行妄衝冒九房室

過差或奔車馬牛蛇虺水火逢拔刀人醉

人惡人涅槃經第二十六卷與此同

三十七品經

右略說三十七菩提分法

避女惡名欲自殺經

右比丘避惡名欲自殺天神爲說法使忍第七

辱修道證阿羅漢十一

比丘聽施經

右聽施比丘不樂道行樂著睡眠佛爲說此經

身觀經

右說幻身種種過患

無常經一名三
啓經

八無暇有暇經

右八無暇謂三塗生長壽天生邊地六根不具信邪倒見不值善導言八難之時無

有關暇可修道業

長爪梵志請問經

右婆羅門問佛因果種種法

譬喻經

右說怖人墮井爲惡象毒龍四毒蛇等迫

逼喻生死五欲等

略教誠經

右說出家人應勤斷無呪

療痔瘻經

右有所持呪療一十六種悉皆消落

摩訶僧祇律四十卷 學仕

右摩訶僧祇者大衆也此根本調伏藏即
大衆部毗奈耶也佛圓寂後尊者迦葉集
千應真於王舍城竹林石室之所結也開
元釋教錄云自摩訶僧祇律已下四十五

帙四百四十六卷爲聲聞調伏藏者經云
勝故祕故佛獨制故如契經中諸弟子或
諸天說法律則不爾一切佛說有十事利
益故諸佛制戒一攝僧故二令僧一心故
三令僧安樂故四折伏高心故五有慙媿
人得安穩住故六不信者令得信故七已
信者令增長故八遮今世惱漏故九未生
諸漏令不生故十佛法得久住爲諸天人
出十
甘露施門故
譚律

律戒中犯重曰波羅夷次曰僧伽婆尸沙

此云僧殘次曰波逸提次曰波羅提提舍尼次曰突吉羅皆梵語也云何名波羅夷破壞離散名波羅夷爲刀稍所傷絕滅命根比丘法中斷滅不復更生如人斫頭更不還活爲惡所滅比丘法中更無所成故

第七卷

十誦律六十一卷 摄以

廿七

廿三

名波羅夷僧殘者如人爲他所斫殘有咽喉少在不斷若得好醫良藥可得除差無者不可差也犯僧殘有少可懺悔之理遇清淨大衆懺悔可得罪減云何爲波逸提如被斫者少傷其皮不至損命波逸提傷

善處少波羅提提舍尼者非故心作犯即懺悔數犯數悔故偷蘭遮者欲起大事不成也突吉羅者此名惡作此出毗尼母論

右初誦四波羅夷法名異分若犯一事非沙門非釋子失比丘法故名異分次僧殘不定捨墮墮法波羅提提舍尼法衆多學法止諍法名不異分若犯是事故名比丘故名釋子不失比丘法故名不異分初誦

一至六戒姪盜殺等法二誦七至十三衣

鉢等法三誦十四至二十戒用虫水九十

波逸提說罪滅諍等法四誦二十一至二

十八受具布薩自恣安居皮革醫藥衣等

法五誦二十九至三十三施衣懺悔驅擯

故出精苦切依止羯磨等法三十四卧具

三十五諍事法六雜誦三十六至四十一

種種制戒七誦四十二至四十六尼戒八

誦四十七至五十增一法九誦五十四優

波離問事十誦五十五至五十八善誦五

十九說結集事六十毗尼雜品

波羅夷者名爲隋法名爲惡法名斷頭法

名非沙門法不共住者如先白衣時犯行

姪如針鼻缺不可復用如人命盡不可復

活如石破不可復合如斷多羅樹心不可

復生名非梵行法懈怠法狗法可惡法

根本說一切有部毗奈耶五十卷 甘益

右武后時義淨等譯其序云佛說律爲本
能生諸善法如樹根爲本枝幹由是生律
能遮毀禁如堤防暴流三世諸賢聖遠離

有爲縛皆以律爲本能至安隱處若比調

伏教安住於世間即是諸如來正法藏不

滅離此即便無安隱涅槃路能生衆功德

如地載群生不調令善順如象馬鈞策律

能防破戒如城禦怨敵律是法中王諸佛

之導首善道之橋梁苦海大船筏險路之

善導直昇無畏城佛及聖弟子咸依律教

住佛云我滅後戒是汝導師仁等應至心

善聽調伏教耶序述制緣起所應學處凡

百餘條末有七佛說戒經偈

根本說一切有部苾芻尼毗奈耶二十卷

詠樂

右佛制尼學處百八十法又第四第五部
衆學法七滅諍法七佛說戒經偈與前五
十卷毗奈耶事多相涉而詳略有異

毗奈耶雜事四十卷

殊禮

右四十卷中總有八門九十頌有種種制
學處緣法佛諸弟子勝光等諸國王及勝
鬘行雨夫人琉璃王誅釋子墮地獄難陀
出家證果目連舍利子入滅訶利底母愛

兒等緣末數卷記佛降生入涅槃結集等

事

一切有部尼陀那五卷 别

一切有部目得迦五卷

右種種制學處多與前部相涉而詳略有

第七

廿五

五分律三十卷 尊上

右宋景平元年佛陀什等所譯即化地部
毗奈耶藏佛圓寂後三百年中從說一切
有部之所出也與十誦律根本毗奈耶多

異

四分律六十卷 和婦

右姚秦佛陀耶舍等譯序偈云衆經億百
千戒爲最第一如王治正法如醫治衆病
若有捨戒者於佛法爲死持戒如護命守

相涉此律分作五分分謂部類劑限不同
故第一分十卷波羅夷法第二分尼波羅
夷法十一至十四第三分十五至二十二
受戒法衣法藥法食法等第四分第二十
三至二十四滅諍法等第五分二十五至
三十四初破僧法雜法等

之無毀失譬如得王印所往無墨礙小毀
則不定大毀入三惡

大藏聖教法寶標目卷第七

音釋

沫莫割切耗呼到切蜎蠻綠切蠕乳充切𧈧蟲動也
古監切獮居例切鷺七由切𩦔丁禮切
瘞瘞直里切瘞落瘞後分病也痔